



გარემოს დაცვისა და სოფლის
მეურნეობის სამინისტრო



„ცირკულარულ ეკონომიკაზე გადასვლის პროცესში საქართველოს მთავრობის მხარდაჭერა მმართველობისა და პოლიტიკის გასაძლიერებლად“

საქართველოს ბუნების მკვლევართა კავშირი „ორქისი“

პრესრელიზი

სასტუმრო „ქორთიარდ მერიოტი“, შეხვედრების ოთახი #3

2024 წ., 12 მარტი, 10:00 – 14:35

2024 წლის 12 მარტს საქართველოს ბუნების მკვლევართა კავშირი „ორქისი“ (სბმკ „ორქისი“) ქ. თბილისში ატარებს თემატურ სემინარს გარემოსდაცვით, სოციალური და მმართველობის (ESG) მოთხოვნებზე. სემინარი განკუთვნილია საქართველოს სამთავრობო უწყებების წარმომადგენლებისათვის, რომლებიც ცირკულარულ ეკონომიკაზე გადასვლისა და მწვანე ზრდის პროცესში საკვანძო როლს თამაშობენ.

ESG სემინარი გაიმართება საქართველოს გარემოს დაცვისა და სოფლის მეურნეობის სამინისტროსთან მჭიდრო თანამშრომლობით, გაეროს განვითარების პროგრამის პროექტის „მმართველობის რეფორმის ფონდი“ (GRF) ქვეპროექტის „ცირკულარულ ეკონომიკაზე გადასვლის პროცესში საქართველოს მთავრობის მხარდაჭერა მმართველობისა და პოლიტიკის გასაძლიერებლად“ ფარგლებში, რომელსაც შვედეთის მთავრობა აფინანსებს. სბმკ „ორქისი“ წარმოადგენს ქვეპროექტის განმახორციელებელ ორგანიზაციას, ხოლო გარემოს დაცვისა და სოფლის მეურნეობის სამინისტროს მასში კოორდინატორის როლი აკისრია.

ეს არის ESG თემატიკის მეორე სემინარი, რომელიც აღნიშნული ქვეპროექტის ფარგლებში გაიმართება. მისი მიზანია პირველ სემინარზე განხილული ESG მოთხოვნების სხვადასხვა ასპექტების უფრო სიღრმისეული განხილვა. სემინარის თემაა „ESG შესაბამისობა, კომპლექსური ESG შეფასება, ESG ანგარიშგების სტანდარტები“. სემინარზე ძირითადად განხილული იქნება მდგრადობის საკითხებზე ანგარიშგების ევროპული სტანდარტების (ESRS), მათ შორის მრავალდარგობრივი და დარგობრივი სტანდარტების პრაქტიკული დანერგვა. განსაკუთრებული ყურადღება დაეთმობა ESRS E5-ს „ცირკულარული ეკონომიკა“.

სემინარს გაუძღვება ცირკულარული ეკონომიკის, გარემოს დაცვის, სოციალური, მმართველობისა და მდგრადი დაფინანსების საკითხების საერთაშორისო ექსპერტი დოქტორი დარიუშ პრასეკი - საინჟინრო ეკოლოგიის დოქტორი, ევროპის რეკონსტრუქციისა და განვითარების ბანკის გარემოს დაცვისა და მდგრადი განვითარების დეპარტამენტის ყოფილი აღმასრულებელი დირექტორი, გაეროს ცირკულარული ეკონომიკის მრჩეველთა საბჭოს წევრი და ამერიკათაშორისი განვითარების ბანკის (IDB Invest) განვითარების პროექტების დამოუკიდებელი ექსპერტი.

ESG სემინარი ხუთი თემატური სემინარიდან ერთ-ერთია, რომელიც აღნიშნული ქვეპროექტის ფარგლებში, ცირკულარული ეკონომიკის, გარემოსდაცვით, სოციალურ, მმართველობის (ESG) და მწვანე სახელმწიფო შესყიდვების (GPP) სფეროებში სათანადო სამთავრობო უწყებების შესაძლებლობების განვითარების მიზნით არის დაგეგმილი, ცირკულარული ეკონომიკის გზამკვლევის შემუშავებასა და

განხორციელებაში მათი ინფორმირებული მონაწილეობის ხელშესაწყობად, ასევე ESG და GPP სტანდარტების პოლიტიკის დონეზე მხარდასაჭერად.

ქვეპროექტი „ცირკულარულ ეკონომიკაზე გადასვლის პროცესში საქართველოს მთავრობის მხარდაჭერა მმართველობისა და პოლიტიკის გასაძლიერებლად“ ხორციელდება გაეროს განვითარების პროგრამის პროექტის „მმართველობის რეფორმის ფონდი“ (GRF) ფარგლებში, რომელსაც შვედეთის მთავრობა აფინანსებს. შესაძლებლობების განვითარების თემატური სემინარების გარდა, ქვეპროექტი საქართველოსთვის ცირკულარული ეკონომიკის ეროვნული გზამკვლევის მომზადებას ითვალისწინებს. ქვეპროექტს ახორციელებს სბმკ „ორქისი“, საქართველოს გარემოს დაცვისა და სოფლის მეურნეობის მინისტრის მოადგილის, უწყებათშორისი საკოორდინაციო საბჭოს თავმჯდომარის აკადემიკოს სოლომონ პავლიაშვილისა და ცირკულარული ეკონომიკის, მდგრადი დაფინანსების, გარემოს დაცვის, სოციალური და მმართველობის საკითხების საერთაშორისო ექსპერტის, სბმკ „ორქისი“-ს გუნდის ხელმძღვანელის დოქტორ დარიუშ პრასეკის ხელმძღვანელობით. მათ ეხმარება სბმკ „ორქისი“-ს გუნდი, რომელშიც საქართველოს ეკონომიკის, გარემოს დაცვის, სოციალური და მმართველობის საკითხებში ღრმად ჩახედული ექსპერტები შედიან.

- ახალი ბიზნესგარემო ახლებურ აზროვნებს მოითხოვს - ისეთს, რომელიც ESG მაჩვენებლებს ეკონომიკური საქმიანობის ყველა სფეროში ჩანერგავს და მაქსიმალურ გამჭვირვალობას უზრუნველყოფს.
- ESG საინვესტიციო საქმიანობის თაობაზე გადაწყვეტილების მიღების პროცესში გარემოსდაცვითი, სოციალური და მმართველობის ფაქტორების გათვალისწინებას გულისხმობს.
- ESG ჩარჩო დაინტერესებულ მხარეებს ეხმარება გაანალიზონ, ESG ფაქტორებთან დაკავშირებულ რისკებსა და შესაძლებლობებს კომპანია როგორ მართავს. წარმოადგენს რა მდგრადი დაფინანსების ინსტრუმენტს, ESG ინვესტიციების გამწვანებას უწყობს ხელს. ამგვარად, იგი ცირკულარულ ეკონომიკასთან და მდგრად განვითარებასთან არის მჭიდრო კავშირში.
- საინვესტიციო გადაწყვეტილების მიღების დროს ინვესტორთა მზარდი რაოდენობა ითვალისწინებს ESG ელემენტებს, რის გამოც ESG-ს მნიშვნელოვნება დღითიდღე იზრდება როგორც სასესხო, ასევე სააქციო კაპიტალის უზრუნველყოფის თვალსაზრისით.
- ინვესტორებს, რომლებიც გადაწყვეტილების მიღებისას ESG-ს იყენებენ, შეუძლიათ განახორციელონ მდგრადი ინვესტიცია და, ამავდროულად, შეინარჩუნონ ფინანსური შემოსავლის იგივე მაჩვენებელი, რომელიც სტანდარტული საინვესტიციო მიდგომის შემთხვევაში ექნებოდათ.

ESG სემინარი ორგანიზებულია სბმკ „ორქისი“-ს მიერ, საქართველოს გარემოს დაცვისა და სოფლის მეურნეობის სამინისტროსთან მჭიდრო თანამშრომლობით, გაეროს განვითარების პროგრამის პროექტის „მმართველობის რეფორმის ფონდი“ (GRF) ქვეპროექტის „ცირკულარულ ეკონომიკაზე გადასვლის პროცესში საქართველოს მთავრობის მხარდაჭერა მმართველობისა და პოლიტიკის გასაძლიერებლად“ ფარგლებში, რომელსაც შვედეთის მთავრობა აფინანსებს. აღნიშნულ ქვეპროექტს სბმკ „ორქისი“ ახორციელებს, ხოლო საქართველოს გარემოს დაცვისა და სოფლის მეურნეობის სამინისტროს მაკოორდინირებელი როლი აკისრია.

საკონტაქტო ინფორმაცია:

ნინო კუჭავა

ტელ: 595335699

ელ-ფოსტა: orchisge@yahoo.com